

七

修

類

稿

七修類稿卷之九

杭仁和郎瑛仁寶著述

國事類

周張二仙

太祖與陳友諒戰鄱陽湖時有周顛仙者謁道左

上命登舟一語不發

上問伐友諒何如對曰前途覆舟又曰破一箇桶又一箇桶
上怒令推水中見其不溺而行於水面復召之同舟無何舟
果覆衆皆驚駭得周而免又有鉄冠道人張中字景華者
時亦從

太祖在舟友諒中流矢兩軍莫知也道人望氣語

上曰友諒死矣使

上作文誥祭陳軍遂為奪氣敗去

見宋學士文集

吁二人皆仙也今

人但知劉伯溫金木相尅使

太祖避於午時之說而不知二仙已先從

太祖於舟天時人事已際遇矣友諒雖勢大安能勝之

本朝取天下先後

至正壬辰閏三月一日

聖祖起兵濠州徇定遠攻泗州靈壁破元平章也先帖木兒

兵因取滁州六合率趙德勝耿再成禦却元師乘勢取和

州直州渡采石取太平集慶鎮江常州嚴州廣德長興寧

國宣州江陰徽州揚州池州建德婺源浦江宜興衢州蘭

黔 親征婺州改爲寧越府取諸暨紹興遂歸方氏温台
慶元復池州征安慶拔處州又降福寧州大戰龍灣破友
諒之師復太平安慶因取信饒 親征九江走友諒又降
建昌南昌龍泉袁瑞撫吉以及蘄黃興國沔陽苗將作梗
吳兵來圍劉基撫定三衢天壁誓拔處州南昌復而江右
全友諒滅而武昌震陳理歸降常德荆州衡陽夷陵安陸
襄陽贛州南安後先歸附悉師淮東海安泰州通州高郵
淮安濠泗廬徐宿州以次收降李文忠降杭州進取紹興
華雲龍取嘉興而俞通海亦取太倉崇明嘉定崑山松江
遂從徐達進圍蘇州士誠執而浙西寧國珍降而浙東定
自此湯和南入閩中徐達師出長淮克沂州嶧州向青州

轉取濟南萊登以及東昌東平濟寧引而西上黃河取陳州汴梁河南虎牢陝州潼關鄧愈出襄陽亦攻克南陽唐鄧葉縣舞陽魯山汝寧隨州德安以及金商鄖陽均房棣諸州河南無兵引師而北檄諸將會於東昌薛顛通源傳友德馮宗異取衛輝廣平彰德懷慶澤潞平陽絳州拔臨清德州郭英進破通州元主北走徐達因克元都遣將徇下順德河澗保定真定以至平定州謀取山西而胡美何文輝入杉關取建寧檄定興化泉州汀州吳禎取福州湯和克延平而邵武漳州亦望風納款楊璟攻克永州寶慶道州桂陽常寧武岡全州移師靖江廖永忠朱亮祖自福州海道進取潮州惠州廣州陸仲亨胡通自贛州由南安

畧韶州南雄肇慶連州與永忠亮祖會于龍潭永忠馳
海南海北九貢日南三十余城皆納印請吏自是沂河
肇慶德慶行定蒼梧鬱林潯貴永忠向南寧亮祖以兵會
楊璟屯于象鼻山克靖江又降田州太平永忠亦取南寧
邾州象州賓州降其平章阿思蘭兩廣入嵩班師還朝即
命率師偕徐達北伐達已先自北平率常遇春郭英傅友
德龔璘廓破王保保遂取大原乘勝遣將取武州朔州大
同宣府燕代復寧引而西破鹿臺由河中趨潼關師抵西
安降王武踰隴州破任從攻進取鳳翔臨洮又降李思齊
遂征平涼遇春還師北伐大破元也速之兵東畧全寧大
興上都徐達亦督諸將復慶陽斬張良臣文忠徑由馮代

救大同擒脫列伯軍威奮揚元主遠徙雖絕恢復之念每
肆憑陵之毒由是徐達三師定西而寧夏延安甘肅瓜沙
始復漢唐之舊文忠屢出野狐而興和合刺開平應昌驢
駒乃無達鞬之庭北狄旣平西師復舉馬雲出鎮遼左以
安載觀友德連按階文綿漢直趨成都末中襲破瞿塘夔
州亦抵重慶明昇出降戴壽就擄再克保寧遂收四川歲
在辛酉雲南是征搗赤水徇曲靖戰白石舉雲南收永寧
城烏撒徇建昌潞江臨安尋洵楚雄襲大理定鶴慶麗仔
車卑平緬擊破烏撒東川建昌芒部雲南救酋楊苴等斬
首九萬級檄定百蠻之種威加八佾之邦雲貴俱平矣德
功第一沐英攻之自是內而湖廣四川雲貴化外諸州若

宣慰嘗撫安撫軍民指揮長官等司外而安南朝鮮南海
西域等九十國皆奉表入貢而一統之業成焉其間武將
持戈血戰之危謀臣出奇破敵之劇明良際遇之艱危
積服馭之難興誦厥迹令人惕然等年而始統者自古取天下皆中原夏
江南會南而北勢不同也該國入新曆序事体不差但漏存補之訛者更足其年月如右云

妄稱林兒

韓林兒世里起兵已載前卷聞當時傳乃瀛國公次子為
韓內侍所養山童得以為子自稱徽宗九世孫也國號宋汝
頴劉福通等各尊為小明王晉冀河南大半為其所有故

太祖龍濟之捷諸將亦欲奉之為帝惟劉基以為彼牧豎爾
不肯拜又龍飛紀略以

太祖行移則稱其為皇帝聖旨自稱吳王令旨直至林兒死方建號稱年然予據朱氏世德碑言果承其正朔稱龍鳳年號受其官爵稱吳國公等語若是必惑於當時訛傳之事矣紀畧又比之更始劉盆子此已或非謂遲不建號比周文王以服事殷此則尤非也想國初臣下多一時武將

太祖既與之合又以先入之言為主未暇細詢至二十七年元既亡而林隨以死天之顯示可知矣

二楊真識

漢庶人因

成祖喜而不當繼嗣遂有謀逆之念仁宗踐祚已每有輕之之意及宥大遂移檄以誣復忠靖等奸邪誤國特未出兵耳夏等入

謝罪

帝宗曰是假卿名以興兵耳命坐外人語則楊文敏公首
親征以社事可鑒數十言剴切之甚且曰兵貴神速遂兼
程而進六師臨城始大驚出降罪人既得 朝廷遣尚書

陳山迎

駕山因進曰移師趙府一鼓可擒也文敏亦曰時不可失

上令揚文貞公章勅文貞曰事須有實鬼神可欺哉與文敏
反覆辯其 朝廷止一親叔當過厚而反入其罪

皇祖之靈安乎 上不懌還京過日召文貞曰

室考與趙王最友愛當思保之道吾封群言差人賫去俟
其自處趙王得重書及言者章即日獻護衛上表謝恩自

此上待趙益厚嗚呼二府非文敏文貞言之懇懇則罪人何一時耶得而朝廷至親死於無辜親親之道安能

盡耶

詳見三朝聖諭錄

山後諸州

按大明實錄洪武二十二年五月遣使勅諭故元遼主阿里失禮等於大寧等處立三衛焉以阿里失禮為大寧衛指揮使塔賓帖木兒為指揮同知海撒男答為溪福余衛指揮同知脫魯忽察兒為朶顏衛指揮同知各領所部以安畜牧觀此則長陵未許北虜時而山後諸州先皆為其虜矣况後與之耶此亦當時之失計故居庸之外所恃為藩籬者止宣府耳而遼陽一帶不可通也

滁陽王

至正壬辰汝穎兵起定遠郭子興拔濠梁據之時

太祖潛民間為訛言所逼懼禍將及遂挺身入濠梁抵其城
為門者所執將欲加害人以告子興子興親馳活之撫之
麾下間召與語異之取為親兵居數月子興謂曰汝單居
當為汝婚子興暮歸與夫人飲食語及斯事次日夫人忽
見憮惜謂曰方今兵亂正當收詔豪傑是子舉止異常若
不撫於家使為他人之親是失智矣子興悟遂以女妻之
孝慈皇后是也後子興南至河陽薨歸葬滁州洪武初進封
滁陽王立廟於滁祀之又以其女為妃生蜀王豫王如意

王洪武十六年十一月七日

上親張子助事實召太常丞張來儀諭使為文刻于廟石文

中都志

議親功臣

皇明祖訓所載合議親戚之家內係功臣五人魏國公徐信
國公湯曹國公李西平侯沐武定侯郭我

朝帝女下降后選庶人皆法二帝三王之道也然觀其所載
如此此可見其厚待五人矣

國初文臣生封武臣見在者

國初文臣受封爵李善長以中書左丞封韓國公汪廣洋以
中書右丞封忠勤伯劉基以御史大夫封誠意伯後汪李
皆賜死絕封惟劉善終葉封武臣封公侯今在者惟中山

王徐黔寧王沐武定侯郭懷遠侯常鳴呼不數十年而功
臣皆沒矣哉

仁廟聖學

野記載

仁廟資質甚美詞翰並精 聖學外尤喜舉茶每試錄至則
票摘瑕處以語官官極允當也又瑣綴錄載 仁廟和曾
子榮着棋詩云二國爭強各用兵擺成隊伍定輸贏馬行
曲路當知道將守深宮戒遠征乘險出車收敗卒隔河飛
砲下重城等閑識得軍情事一着功成見太平王公以詞
意朱備似勝曾詩予意曾詩惟第二句并結得體豈得如
此詩句句有意趣也昨見褒談中載

仁廟與王汝王一札乃欲學詩學表之事孜孜數百言甚為好學然後知野記之言不誣詩之所以妙也

劉成

劉成靈璧人從

太祖取金陵等處陞總管改海寧衛指揮征偽吳張士誠提兵往來浙西多有功焉後殺賊中流矢傷額而死朝廷無報功之典今功臣錄中以為人思其功而立祠祀之今攷浙西之地無聞焉恐亦傳聞之事歟

蘇在

寧王

寧獻王推高廟第十六子也封於大寧大寧即朶顏等三衛之地靖難師起與之協謀蓋燕時兵力不敵特藉大寧

胡將指揮兀良哈人馬以取中原耳

太宗登極寧王入見願以遷國入內地於是遂居南昌一以
註書作畫為事以消朝廷相疑之心而大寧之地既無王
府又無守將原得其兵之力也因棄與之矣正德末年寧
王之孫宸濠叛逆賜死

毛老人

國初朝覲九州縣老人亦與焉某年

太祖問老人曰朕築室後湖為藏天下黃冊當作何向一人
曰當東西相向早晚日色所晒庶無濕潤

太祖既喜問姓名曰毛某因賜酒飯

上曰汝言有理即托守之俾無鼠耗遂埋於其地以其姓故至今

雖有鼠而黃冊無恙弘治間郎中東莞鄧琛管冊於湖偶見一老人揖曰吾爲朝廷守此百四十年一冊不爲鼠傷未嘗蒙管冊諸公之賜恐非所以待有功耶言訖不見明日鄧具牲醪祀之至今爲常

大明年數

太祖洪武元年正月甲日登極崩於洪武三十一年閏五月初十日建文繼統至四年六月十三日

成祖靖難火逃以建文之年併於洪武謂洪武三十五年也成祖是年七月初壹日即位崩於永樂二十二年七月十八日

仁宗即位於永樂二十二年八月十五日崩於洪熙元年五

月朔四日

宣宗即位於洪熙元年六月十二日崩於宣德十年正月初
三日

英宗即位於宣德十年正月初十日被擄於正統十四年八
月十八日至九月初六日

景皇帝即位至景泰七年十月十七日

英宗復位改元天順崩於八年正月十七日

憲宗即位於天順八年正月二十二日崩於成化二十三年
八月二十二日

孝宗即位於成化二十三年九月初六日崩於弘治十八年
五月初六日

武宗即位於弘治十八年五月十八日崩於正德十六年三月十四日

今上即位於正德十六年肆月二十二日

印制

漢唐宋印文多是小篆 國朝外國諸衙門者皆疊篆惟
總兵者柳葉篆御璽王府之寶玉箸篆疊篆必九指取乾
元用九之說惟曆日印文七疊取日月五星七政義也御
史印文八疊取唐堊儀八印義也未知是否二品以上用

銀印三品以下是銅印御史者織印 朝廷璽共九顆在

內尚寶監女官收掌用時尚寶司以揭帖赴內監取用也

其文不同各有所用

奉天之寶用之天地

制誥之寶一品至五品

皇帝之寶詔敕聖

皇帝行寶立封及賜

皇帝信寶詔親王大臣

天子之寶神祀鬼

天子行寶封建外夷及

天子信寶詔外夷調

勅命之寶六品至九

茶法

洪武二十四年詔天下產茶之地歲有定額以建寧為上聽茶戶採進勿預有司茶名有四採春先春次春紫筍不得碾搯為大小籠團此抄本聖政記所載恐今不然也不預有司亦無所稽矣此真聖政較宋取茶之擾民天壤矣

二祖

宋太祖微時過涇州長武鎮寺僧守嚴見其骨相異常使畫工圖青巾褐裘之像於壁後聞登極易以冠服今蘇郡西天王堂土地絕肖我

太祖高皇帝

見加公談纂

聞當時亦至其地而化主楊氏異焉遂

令塑工像之後聞人言像

太祖即以黃絹帳之於外不容人看意者尚當易之可也

抗丁田

洪武初年沈留公差自杭州赴京奏稱杭州市民不務生理專服美麗衣服出入公門結交官吏說事過錢壞法害民

太祖皇帝曰浙江等處及直隸府州市民着他見丁出錢買馬往北地當驛站故至今為丁田馬丁云

衣服制

洪武二十三年三月

上見朝臣衣服多取便易日至短窄有乖古制命禮部尚書

李源名等參酌時宜，得有古義議九。官員衣服寬窄隨身。文官自領至齋去地一尺，袖長過手，復回至肘，袖椿廣一尺，袖口九寸。公侯駙馬與文職同者，民生員亦同。惟袖過手，復回不及肘三寸。庶民衣長去地五寸，武職官去地五寸，袖長過手七寸，袖椿廣一尺，袖僅出拳，軍人去地七寸，袖長手五寸，袖椿七寸，袖口僅出拳，頒示中外。嗚呼！今婦人之衣如文官，其裙如武職，而男子之制迥殊於此，是時制耶。

郭德成

本朝功臣多不壽，終驍縣郭德成終身以酒自污。一日授其府都督懇辭，上怒曰：爾兄弟皆族，辭何說也？德成泣。

曰臣非草木不知 聖恩但臣頗慢耽酒位高祿重事有
失職却殺我也人所樂不過多得錢飲美酒隨意自適
上喜遂賜黃封白金一日既醉免冠 上見髮禿曰風酒漢
髮毛如此非酒過耶德成仰首曰猶厭其多欲盡剃光耳
上默然既醒悔其觸諱遂盡剃披僧衣唱佛曲 上乃謂其
妹寧妃曰前謂戲言今寔為之非風而何德成嘗見兄弟
宣武威襄征鎮四方經時不回則曰虛名也好聽辛苦也
好受曾如我樂也終亦以功名卒高人哉惜功臣不載

御對

太祖一日御奉天殿

太宗建文侍焉因指立仗馬出對曰風吹馬尾千條線建文

對曰雨打羊毛一片毡

太宗曰日照龍鱗萬點金占此則一委靡而一發揚成敗可知矣

石龜

南京紫金山即古之鍾山蔣山也我

太祖高皇帝陵寢在焉葬之時掘土數尺見一石龜頸長數寸首足口目皆具今藏于

太廟久晴而腹下有水則

雨久雨而腹下乾焉則晴其異如此

修類彙卷之十

杭仁和郎瑛仁寶著述

國事類

藍玉北征

洪武二十年冬聞漠北復立脫古思帖木兒為主遣永昌侯藍玉討之玉得降人脫脫等言故元丞相哈喇章等亦遁入和林乞進兵共勦二十一年春遣定遠侯王弼等七將軍從征四月聞虜主在捕兒海兼程進至百眼井哨不見虜將還弼曰吾等深入徒勞師旅將何以復命哉復進偵知虜營在海東八十里直簿其營始虜以我軍乏水草必不深入大軍忽至其酋大尉蠻子率衆拒戰被殺虜主

與其子天保奴知院捏怯來等遁去獲其次子地保奴妃子等六十人及故太子妃公主吳王代王等三千六十人軍士男女八萬得寶璽金銀印圖書牌面百五十三車三千輛馬駝牛羊十餘萬又破哈喇章營六月獻俘京師命有司給第餼養既而有言王嘗私元主妃

上怒曰此豈大將軍為耶元妃聞知惶懼自盡地保奴由是有怨言因以遣使送琉球二十二年六月捏怯來等遣人受降知虜主至和林為也速失兒所害此實錄之畧也可謂讐函報千古藍王之功也惜玉後累立功以爵不負望遂至謀逆誅或云謀於私妃并張尚書之譖皆非也

國初忠臣

太祖之得天下東征西伐以全風靡至有折將喪師之地不
過一二惟陳友諒最為鯁敵殺畧相當故豫章有忠臣廟
康山有忠臣廟外此又有無廟者第二張七誠第三征西
雖名曰羗賊征北雖曰元孽多因王保保也第四伐雲南
梁王第五伐蜀夏主雖名為征伐亦若追拊而已至於按
元都可謂不費一矢也若浙之金華處州亦沒重臣數人
今逐一開出庶知各有所係也

趙德勝

李繼先

劉齊

許圭

趙德昭

朱潛

牛海龍

張子明

張德山

夏茂成

葉思成

趙天麟

徐明

葉琛

琛已上壹拾肆人

國初壬寅歲三月南昌降將祝宗等復叛癸卯夏偽漢陳友

諒園南昌文武諸臣與之戰死者

朝廷追念忠義命

有司立廟南昌城中塑像歲時祀之

韓成 宋貴 王勝 陳兆先 李信

姜潤 丁普郎 王鳳顯 程國勝 后明

常惟德 王德 王咬住 朱鼎 張志雄

李志高 汪清 常德勝 鄭興 袁華

昌文貴 金昶 陳冲 王喜先 汪澤

丁宇 逯德山 羅世榮 史德勝 徐公楠

劉義 陳弼 裴軫 王理 王仁

曹信已上三十六人

國初癸卯歲四月偽漢陳友諒以重兵自武昌來圍洪都

又守將大都督朱文正遣使告急請援七月上親帥諸
名將統舟師二十萬往討之友諒解圍東出鄱陽湖以迎
我師過于康郎山歷戊子己丑庚寅等日連與大戰是時
諸臣皆奮擊其間多效死者友諒旣滅中書省以死事之
臣列進遂封贈勳爵有差建忠臣祠於康郎山設像其中
命有司歲時祭之

朱文遜

平死太

俞廷玉

死安

賀興隆

死晉

葉

琛

死洪

張德勝

吳昇

吳晟

死上

揚興

孟良

已上死

劉友仁

死池

曾高中

死

曾粹中

劉齊

陳海

記上死

夏德閏

死草

花

雲

許瑗

已上死

馮

貴

死吉

朱

華

死洪

趙

中

王 昇妃上 謝 真死

右通廿有二人亦因陳氏而死者時事不一俱見實錄功

臣錄龍飛紀畧

俞通海

楊國興

劉聚

李覺

王國寶

茅成已上死

廖永安被擒

桑世傑江死

歐智大死

周成死

李夢庚死

耿君用

耿

瑞 死

王成死

劉成死

右通十有五人因張氏而死者事實亦見三書也

江興祖

朱顯忠死

曾貴死

費成死

州何文忠死

右五人征蜀而死者時事見功臣錄

陳壽國

死凌

子

光

死前州

劉

益

死遠

霍

輝

楊廣

李

清

李

實

何

應

甄

死陳壽州

劉

林

鄧

瑜

死涼州

孫

虎

馮

周顯

武

慰

魏

實

孫

斌

朱

原

杜

榮

張

燿

李

傑

甄

死沙平定

龐

裋

死五

孫

興

祖已上死

曹

良

臣死

劉

廣

死未

濮

英

章

存

道死所

右

通

二十七人

征

西

征

北

而

死

者

時

事

不

一

能

備

述

見

前

二

錄

趙

旺

死江

周

旺

李

恭

死大

費

成

狄

崇

死雲

徐

榮

死荆

王

偉

吳

雲

奉

死

右通八人伐雲南而死者時事不一不能備述俱見功臣錄二忠錄也

胡大海

王愷

高子玉

已上死

王道童

耿再成

孫炎

記上死

嚴

德

死台

周迪

死

西胡深

死橋

林遇春

死廣

關

敏

死南

宋國興

死南

鄰濮真

死高

朱文剛

死屬

曾

封

死慶

右通一十五人各地死者時事不一不能備述俱亦見前

三書

建文忠臣

建文間死節之士予得諸文廟榜示奸惡官員姓名二
紙及傳於文獻者共百廿四人隨名攷事旧有私抄一帙
後為兵火所失今思周武應天順人夷齊其死首陽兩不
相妨况文廟嘗曰彼食其祿自盡其心練子寧在朕
當用之昭廟文曰若方孝孺皆忠臣也乃肆赦宥其子
孫至天順間雖建庶人亦宥之善善惡惡亦難捨也又思
楊文懿公嘗請輯建文中事謂不可滅則是史逸之矣今
謹錄其名氏官籍於左有未知者缺之待博識者補焉

齊泰

潯水人
兵部尚書

黃子澄

分宜人
太常卿

方孝孺

寧海人
翰林侍講

謝貴

北平都司

張昺

澤州人
北平都司

葛誠

燕府長史

宋忠

鳳陽人
翰林

馬宣

都指揮

朱鑑

都指揮

曾濬

蘇州人
都指揮

彭聚

都指揮

泰都指揮耿炳文 涿州人 俞通淵 巢縣人 莊得都指揮

楚智 鄭華 臨海人 東黃觀 貴池人 禮王叔英

人修 周是脩 秦和人 劉頌 涿州人 廖昇 太常少

王良 開封人 浙曾鳳 韶州人 魏公冕 詠史人 鄒公

瑾 末豐人 高巍 益東人 王良 吉水人 黃鉞 常熟人 王省

吉水人 浮王禎 州道判 陳迪 宣城人 劉政 蘇州人 潘

練安 新淦人 侯泰 刑部尚書 郭任 刑部侍郎 盧迥 人 戶

部侍郎 暴昭 山西人 毛泰 吏部侍郎 黃魁 福建人 禮

胡子昭 崇德人 卓敬 部侍郎 茅大芳 都御史 胡閏

部侍郎 戴德葵 奉化人 盧原質 寧海人 廖錡 人 散

人 宋徵 宗人 府經歷 陳繼之 浦田人 韓泳 西安人 高

翔御史邑人

董庸御史

王度歸善人

巨敬平涼人

霖懷寧人

錢鉉鄆州人

王彬兗州人

崇剛揚州人

彦回清田人

林嘉猷寧海人

鄭公智寧海人

鄭恕寧海人

本立崇德人

葉惠仲臨海人

姚善安州人

鄭恕安州人

人蕭縣人

程通績溪人

陳思賢茂州人

盧振茂州人

周璿諸城人

黃彥清固子

高不危

謝昇

牛景先

張統富平人

徐輝祖魏國公

李堅陝

馬人

耿清真寧人

龔泰義烏人

陳性善山陰人

安寧城人

樓璉金華人

劉真合肥人

何福都督

俞逢辰

水陽西人

王璉日照人

周縉武昌人

高賢寧陽

燕府人

劉璟青田人

吳惟原

才秀

徐宗實黃岩人

劉璟青田人

吳惟原

陳應宗

林珏

鄒君默

曾廷瑞

呂賢

俱漳州生葉希賢

號雪庵

高遜志

尚縣人

吳高

卜萬

俞瑱

馬溥

壽州人

宋瑄

指縣人

陳暉

池州人

袁宇

壽州人

孫鎮

合配人

薛崑

理少卿

王稔

金華人

錢芹

蘇州人

魏澤

海人

孫狗皮

徐州人

小馬王

臨人

指

揮東湖樵者

王公

隱東陽

彭

北平都司

龔

辛人

朱泉

奉典人

廖應龍

右麻城人

陳忠

都人

石撰

州人

宰長史

鹽鈔

國朝頒鹽於民而歲收其鈔故曰鹽鈔今鹽不頒而徵銀如故何燕泉先生嘗論祖宗良法不得推行如鹽鈔一事今徵銀又不停止無一人言者可慨也予以何非可言者耶不言利國也垂之書利名也燕泉亦有是哉

本朝定都

太祖建都南京金碧峯和尚名之

見密座新聞

成祖遷都北京李至剛尚書名之

見野記

宸濠逆謀始終畧

宸濠江右寧王名也乃婢妾馮針兒生於成化十四年六月十三日是夜其祖靖王夢大咬傷一家明發鳴鳴寢殿王心疑之忽生濠王曰此必妖孽也命為滄死其子以他

女代而藏之至八月詭言別妾生男即位後信任群小恣
淫父妾賄結朝廷權要擠陷本省官員誣害本宗叔姪羅
織各王金銀招集四方流賊劫掠官民財產上下敢怒不
敢言又有術士李自然等每稱八字好當為天子於是心
事益橫科道久聞至正德十五年四月御史蕭唯輩交章
亥之朝差三堂往看濠俱仍定計以衆官謝生日酒時借
言有旨而後發逆時巡撫都御史孫遂請看密旨兵備副
使許逵大爭罵之當為所殺遂禁三司傳敕列郡收各衙
門印章偽授文武官職集兵四萬餘號稱十萬十七日命
內官涂欽率賊人吳十三等出為先鋒往攻九江南康一
時皆破遂進攻安慶為兵備都司楊銳指揮崔文死禦不

克七月一日濠處分內事已定祭旗同妃自督兵出湖俛
攻安慶卜之湖神不吉縱火而去不知提督汀贛都御史
王守仁十五日豐城聞變急回駐節與知府伍文定協謀
起兵激以忠義檄傳列郡期於七月十四日會兵臨江樟
樹十九日襲破賊之西山坎礮二十日五更七門發兵一
鼓而進賊巢遂為壑粉矣濠聞回舟黃石磯恤然自嘆猶
以金賞將士二十四日遣承奉劉吉等率賊交兵於東湖
官兵佯敗誘之至八字橋四面合擊二十六日妃子輜重
同時溺水濠為知縣王冕所擒偽大師致仕都御史李仕
實國師舉人劉養正等以次就縛溺水斬殺者不可勝計
二十七日追勦餘黨官軍凱旋自謀叛至終不過五十餘

日生靈死者十萬餘追憶濠生當戊戌非犬乎咬傷一家則濠生時殘害石城弋陽各府致親叔姪禁錮死後連及親王二三十人非咬傷一家者乎至言八字好者乃八字惱為受死之地黃石磯者王失基矣雖濠之惡貫滿盈理自族滅亦豈非其大數哉

彭趙二名

太祖本紀與各書云

太祖初至濠寓滁陽王郭子興麾下時徐寇有趙彭二人為元軍所敗率敗入濠濠帥又有俞魯潘孫德匪四人皆為彭趙所服俱與趙厚也獨郭則與彭合四人恃趙擒王囚之

太祖聞之挺身率衆劫王出諸書皆不書彭趙之名蓋彭名
早住趙名均用趙稱勇義王彭稱魯淮王後彭為趙併趙
殺毛貴據有益都不久復為毛黨殺之

君知天象

洪熙間星變上召輔臣問知否俱對不知上曰天命
之矣嘆息而起明日召楊士奇蹇義諭曰二十年為讒間
心甚艱危賴皇考仁明得至今日吾去世後誰復知吾
三人者楊蹇義諭月晏駕成化間星變亦召輔臣問識否
對以國家有禁不知上曰禁外人大臣豈可不知據是
則本

朝人君必皆習知天象

二十四王

太祖二十四子生母五人長懿文太子標第二秦愍王槩封
西安第三晉恭王杼封太原第四燕王棣原封北平今入
繼大統第五周王橐封開封

高后所生也第六楚王楸封武昌第七齊王檣封青州廢第
八潭王梓第九魯荒王檀封兗州第十蜀王椿封成都第
十二代王桂封大同第十八谷王穗封宣州 第二十二
唐王禊封南陽第二十三郢王棟封安陸絕第二十四伊
王榘封洛陽

皇妃所生也第十一湘獻王栢封荊州第十三肅王槩封甘
肅第十九韓王松封安東第二十藩王模封潞州

皇貴妃所生也第十四遼王禘封荊州第十五慶王封寧

夏第十七岷王棟封寶慶

皇貴人所生也第十六寧王推封大寧遷江西今絕第二十

一安王楹封安州

皇美人所生也右天潢王牒之數人予得於顧堂嘉公魯府所列至牒人以

高后止生 成祖與周王因其不同故錄出之

朱亮祖

末嘉侯朱亮祖功臣錄以其在廣東所為不法番禺知縣
上其事 上以功臣但罷職居江寧縣後為病卒子選先
父卒 御製文集則曰使鎮嶺南擅權貪取歸不服責

朕怒而鞭之不期父子俱亡就葬已責之地觀此一革則錄

有不實者矣

天子動與天合

嘗聞南京國子監將成

高祖空中望之曰似蜈蚣形他日奏監中多蜈蚣不可居遂命左首山可喚為鷄鳴必能食蜈蚣也已而果無又嘗命劉三吾圖所居山水來看圖上

太祖笑曰何用許多但突兀處俱以筆抹之無何其山一夕為雷所震突兀處悉平如前猫老人使為土地遂至今無鼠真可為與天合也此與光武之冰合 宋祖命王審琦飲酒一同是知創茶之君非常也

太祖義子

聞

太祖初取天下有養子十餘人或為其至親或因其年稚或見其幼勇俱使從其姓名得其要地遂使同將官守之今見於史者如朱文遜守太平而死朱文剛守處州而死朱文進則未見其下落名特載於龍飛紀畧朱文忠後復姓為李文忠乃甥也朱文輝朱文英後皆復姓為何文輝朱英因其幼而撫成者也朱馮見後亦復姓為徐司馬惟朱文政實錄功臣錄俱未明白據朱氏世德碑乃姪也世亦以為義子非也

神詩

洪武五年中書右丞建昌王溥遣人奏稱近督取材木於

建昌蛇古岩衆見岩上黃衣人歌曰龍蟠虎踞勢岩堯赤
帝重興勝六朝八百年餘王氣復重華從此繼唐堯其聲
如鍾

太祖以為不當信也嗚呼視天書封禪者遠矣

黃伯固疏文

閩人黃鞏字伯固正德己卯爲武選郎中時

朝廷有旨南巡江西寧藩蓄逆已久上不以為憂也大臣科
道交章不聽黃以其事出邊將江彬之誘因疏六事今錄
其文不惟見黃之文行真爲可傳而

武宗一時之事可悉知也其畧曰

陛下臨御以來

祖宗之紀綱法度一壞于逆謹再壞于佞倖又再壞于邊帥
之手至是將蕩然無餘矣天下知有權臣而不知有

陛下者寧忤

陛下而不敢忤權臣

陛下弗知也亂本已生禍變將起竊恐

陛下知之晚矣試舉六事於今為至急者為

陛下陳之其一曰崇正學嘗聞先儒周敦頤有曰聖人定之
以中正仁義而主靜立人極焉又曰吉凶悔吝生乎動吉
一而已動不可慎乎故惟聖人為能主靜惟君子為能慎

動仰惟

陛下聰明天縱有古帝王之資然其所以盤遊無度流連忘

返者無乃動之過乎論思勤講之臣職在革心於是乎不能辭其責矣伏望

陛下高拱九重凝神定慮屏紛華斥異端遠佞人招延故老咨訪忠良可以涵養氣質薰陶德性而

聖學惟新

聖政日舉矣其二曰通言路嘗聞言路者國家之命脉也言路之通塞國家之治亂係焉切見近時臣僚奏牘間或言及時政往往匿不以聞其或事閱權臣則又留中不出而中傷以他事夫古之明主尊人以言用其言而顯其身後世則不然不用其言而反罪焉今則又不然不使其以言獲罪而以他事獲罪由是雖有安民長策謀國至計無因

以達十九重之前雖有必亂之事不執之臣

陛下無由而知之矣天下焉得而不亂哉伏望

陛下以從善爲心以聞過爲喜如此則忠言日進聰明日廣

雖亂臣賊子亦將有所畏而不敢肆矣其三曰正名號

聞孔子有曰名不正則言不順言不順則事不成禮樂不

興刑罰不中民無所措手足凡以名不正之故也

陛下近日以來無故自稱爲威武大將軍太師鎮國公遠近

傳聞莫不驚疑以

陛下聰明智勇上嘉唐虞下樂商周何所不至顧乃自輕如

此柰

宗廟社稷何夫

陛下自稱爲公誰則爲

陛下者天下不以

陛下事

陛下而以公事

陛下天下皆公之臣而非

陛下之臣也伏望

陛下即日削去鎮國公等名號以昭上下之分以明示天下

之人庶幾體統以正而

朝廷自尊矣不然古之天子亦有號爲獨夫與欲爲匹夫而

不可得者切爲

陛下懼焉其四曰戒遊幸嘗聞大禹曰罔遊于佚罔淫于樂

周公告成王母淫于觀，侯于遊，于田，春秋譏觀魚終，目書，終者貳拾玖，皆譏也。

陛下始時遊，戲不出大庭，馳逐止在于南內，論者猶謂不可。既而幸宣府，幸大同，幸太原，幸陝西，榆林諸處，所至費財動衆，州縣騷然，至使民間壹夫壹婦不能相保。

陛下爲民父母，何忍使民至此，虧損盛德，貽譏萬世。

陛下自視爲何如主也。近者復有南行巡狩之命，南方之民爭先挈妻子以避去者，流離奔踣，敢怨而不敢言。即今江淮之饑，父子兄弟相食，天時人事如此，以休負愛養，尤恐不支。况又重以感之，其何不流而爲盜賊，速而爲死亡也哉。姦雄窺伺，待時而發，變生在內，則欲歸無路，變生在外。

則望救無及

陛下斯時悔之晚矣彼居位大臣用事中官侵睨群小皆欲
陛下遠出而後得以擅權自恣乘機為利也其不然則袖手
旁觀如秦人視越人休戚之不相涉也夫豈有一毫愛
陛下之心哉彼誠愛

陛下獨忍使

陛下馳逐蒙塵而莫之救止也伏望

陛下深惟往事之非翻然悔悟下哀痛罪已之詔與民更新
罷南巡撤宣府行宮示不復出發

內帑以賑江淮之饑散邊軍以歸卒伍斥不御之女以各選
其家雪既往之謬舉收既夫之人心如是則尚可為也其

五曰去小人嘗聞開國承家小人勿用自古小人用事未有不亡其國而喪其身者也謹按今之小人簞弄威權貪尚富貴者實繁有徒至於首開邊事以兵為戲使

陛下勞天下之力竭四海之財傷百姓之心至今紛紛未已者則江彬之為也彬本行伍庸流兇狠倣誕無人臣禮臣等但見其有可誅之罪而不見其有可賞之功今乃賜以國姓封以伯爵托以心腹付以提督京營之寄此養亂之道也彬外挾邊師內擁兵權駢虎之勢不亂不止天下之人切齒唾罵皆欲食彬之肉彬不誅天下之亂必有彬始陛下亦何惜一彬以謝天下哉伏望

陛下大奮剛乾將彬下諸廷尉明正典刑以為姦邪小人迷

亂之戒其六曰建儲貳嘗聞漢人有言曰太子天下本本
一搖天下震動夫有本而搖天下猶震况於無本其何以
安洪惟

陛下春秋漸高前星未耀

祖宗社稷之托懸懸于無所於寄方且遠事觀遊屢犯不測
之區此必危之道也

陛下徒知收置義子弟布滿左右獨不能豫建親賢以承大
業臣以為

陛下殆倒置也伏望

陛下早及是時將近時群臣建儲章疏通其檢出宣示
皇親勳舊及在廷文武大臣共圖大議即於

宗室中遴選親賢一人養于宮中以繫四海之望待他日詔
生

皇子之後俾其出就外藩如此則繼體有人國本以固實
宗社無疆之休惟

聖明其蓄意為車駕員外郎陸震見其疏稿頗出署名以進
疏既入自分必死為書別知友託以後事及收拾遺文彬
果大怒欲必賞之死乃下詔獄廷跪五日杖有餘除名陸
震死鞏體極修羸幸得甦以詩遺第曰不用汝謀方至此
須知我道固當然可謂萬死而不悔也

七修類稿卷之十終

七修類稿卷之十

枕仁和郎瑛仁實著

國事類

靖難功

太祖初封諸王各以一高僧相之時姚廣孝預白

成祖曰殿下能討臣輔左當使殿下戴一白帽王字上於是

奏討之及至藩又告曰浙東表瑛即柳天下相法第一乞

假以其名隸尺籍勾取到燕使相之瑛因極道天表

之盛曰髯過臍必登大寶為二十年太平

天子後建文間朝廷多大防燕燕亦遠巡未舉指揮張玉

進曰安可束手待縛遂奪九門殺三司一鼓而兵出矣是

知

成祖之有天下始於姚定於袁成於張也然非姚則不萌非袁則不決非張則不驟豈非天意有在而致此三人之言耶

李陸

正德初大臣議攻劉瑾西崖李公俛首不語蓋與劉厚也後劉公徙謝公迂被斥回日李公祖道戲呼劉曰當日出語不用今日泣也及後呂公柙斥回之日陸公完亦祖道相送陸曰公去矣予不知何日得行呂曰汝真心去我在三十里外等君劉言可謂刀劍呂言可謂藥石

脩食樂章

國朝祭天地郊廟朝會樂章板行於世惟侑食樂章人未聞
之故錄於左乃洪武十五年三月禮部尚書陶凱所作也
其文見於

皇明實錄者樂惟九奏見於龍飛紀畧者又多平定天下
之舞用士三十二人左執干右秉戚旌飾盛服辭該一十
二句又有撫安四夷之舞用東西南北之夷各四人服色
依其方樂辭該六句又有車書會同之舞亦用士三十二
人分為四行左執籥右秉翟辭亦十二句也予聞樂成凱
進之日

帝命協律者歌之因謂侍臣曰禮以道敬樂以宣和不敬不
和何以為治元時古樂俱廢惟淫詞艷曲更唱迭和又使

胡虜之聲與正聲相雜甚者以古先帝王祀典神祇飾為
隊舞諸戲殿庭殊非所以道中和崇治體也今所制樂章
頗協音律有和平廣大之意一切流俗詭澆滌襲之樂悉
屏去之然則樂中又何以雜其有戲墜舞承應者耶予嘗
考之龍飛紀畧以樂定於洪武四年實錄乃十五年計此
必後更去隊舞

太袞聖德之純王道之備於此樂可謂盡善盡美矣今止錄
其九奏第一奏炎精開運之曲曰炎精開運篤生

聖皇大明御極遠紹虞唐河清海晏物阜民康威加夷獫德
被戎羗八珍有薦九執馨香波鍾鑄鑄宮徵洋洋怡神養
壽理陰頤陽保茲遐福地久天長二奏皇風之曲曰皇風

風被八表照

熙聲教宣時和景象明紫宸開繡筵龍袞耀朝日金爐裊
祥烟濟濟公與侯被服麗且鮮列坐視丹旆磬折在周旋
羔豚升華俎玉饌充方圓初筵奏南風繼歌謦載篇瑤觴
欣載舉拜舞禮弗愆同樂及斯辰於皇千萬年三奏皇明
之曲曰赫赫上帝眷我 皇明大命既集本固枝榮厥本
伊何育德春宮厥枝伊何蕃邦以寧慶延百世澤被群生
及時為樂天祿是庸千秋萬歲永觀厥成四奏天道傳之
曲曰馬負圖兮天道傳龜呈書兮人文宣義豈卦兮禹疇
叙皇極建兮合自然綿綿曆數歸

明主祥麟在郊儀鳳舞九夷入貢康衢謠聖子神孫繩祖武
垂拱無為邁前古五奏振皇綱之曲曰周南咏麟趾卷阿

歌鳳凰藹藹稱多士為禎振皇綱赫赫我明德尊踰漢宋
唐百揆脩廢績公輔理陰陽我冠正襟珮都俞在高堂坐
令八紘內熙熙民樂康氣和風雨時田疇見豐穰獻禮過
三爵勸娛良未央六奏金陵之曲曰鍾山蟠蒼龍石城距
金虎千年王氣都于今歸

聖主六代繁華經幾秋江流東去水無休誰言天塹分南北
英雄豈但強曹劉我

昔往濠梁屋神遊天錫真人服手提三尺渡江來詞臣早
獻金陵曲歌金陵進玆饌諧八音繼三歎請觀漢祖用兵
特為嘗馮異漚沱飯七奏長陽之曲曰長楊曳綠黃鳥和
鳴燕首呈鮮紫燕輕盈千花浥露日麗風清及時為樂芳

鑄在庭音嘒嘒絲品泠泠玉振金聲各奏爾能嚙嚙國
老載勸載斟明德惟馨會垂之聖經唐風示戒永保嘉聲無
已太康哲人是聽八奏芳醴之曲曰夏王厭芳醴商湯遠
色聲聖人示深戒千春垂令名惟

皇登九五玉食保尊榮日晏不遑餐布德緣群生天庖具豐
膳鼎鼐事調烹豈但資肥甘亦足養遐齡達人悟茲理恒
令五氣平隨時知有節熙哉天道行九奏駕六龍之曲曰
日麗中天漏下遲公卿待宴多令儀蕭韶九奏觴九獻爐
香細逐祥風吹群臣舞蹈

天顏喜歲熟民康長若此六龍回駕鳳樓深寶扇齊開扶王
几景星呈瑞慶雲多兩曜增輝四序和

聖人道大如天地歲歲年年柰樂何

本朝嶽鎮海瀆碑

奉天承運

皇帝詔曰自有元失馭群雄鼎沸土宇分裂聲教不同朕奮
起布衣以安民為念訓將練兵平定華夷大統以正求惟
為治之道必本於禮考諸祀典如五嶽五鎮四海四瀆之
封起自唐世崇名美號歷代有加在朕思之則有不然夫
嶽鎮海瀆皆高山廣水自天地開闢以至於今英靈之氣
萃而為神必皆受命於上帝幽微莫測豈國家封號之所
可加瀆禮不經莫此為甚至如忠臣烈士雖可加以封號
亦惟當時為宜夫禮所以明神人正名分不可以僭差今

命依古制定九嶽鎮海瀆並去其前代所封名號止以水本名稱其神郡縣城隍神號一體改正歷代忠臣烈士亦依當時初封以爲實號後世溢美之稱皆與革去其孔子善明先王之要道爲天下師以濟後世非有功於一方一時者可比所有封爵宜仍其舊庶幾神人之際名正言順於禮爲常用稱朕以禮祀神之意所有定制各各神號開列于後

一五嶽稱東嶽太山之神南嶽衡山之神中嶽嵩山之神西嶽華山之神北嶽恒山之神

一五鎮稱東鎮沂山之神南鎮會稽之神中鎮霍山之神西鎮吳山之神北鎮醫巫閭山之神

四海稱東海之神南海之神西海之神北海之神

一四瀆稱東瀆大淮之神南瀆大江之神西瀆大河之神
北瀆天濟之神

一各處府州縣城隍稱某府城隍之神某州城隍之神某
縣城隍之神

一歷代忠臣烈士並依當時初封名爵稱之

一天下神祠無功於民不應祀典者即係淫祠有司毋得
致祭於殿明則有禮樂幽則有鬼神其理既成其分當正
故茲詔示咸使聞知嗚呼以我

太祖所以高出百代見理之切夫豈辟下之意可及哉予嘗
親至東鎮碑下其碑高可三丈書乃詹孟舉之楷考之於

時洪武三年六月頒刻遐想天下之碑亦必如是耳

金書鍤券文

太祖即位二年八月大將軍取燕都諸郡畢明年冬念功臣勞烈之多欲申山河帶礪之誓鑄以鍤券下禮官議其制

有秦唐和陵時賜錢鏐者其孫尚藏因取為式事載宋景
濂送錢允

序其質鍤其形如瓦高一尺濶二尺左右二塊面鐫券文

背刻免罪俸祿之數券文嵌金故曰金書宋制高濶之制

以公侯伯職之不同漸亦短狹緣其所始乃漢丹書鍤契

之意今錄魏國一篇餘可知也朕聞自昔帝王創業垂統

皆賴英傑之臣削群雄平恭亂然非首將智勇何能統率

而成大功唐漢初興諸大名将是也當時雖得中原四夷

未盡賓服以其宣謀効力之將比之豈有過我朝大將軍之功者乎爾達自起兵以未為朕首將十有六年廓江漢清淮楚電掃兩浙席捲中原威聲所振直抵塞外其間降王縛將不可勝數項者詔令班師星馳來赴朕聽勤勞既久立功最多今天下已定論功行賞宜加爵祿是授爾開國輔運推誠宣力武臣特進光祿大夫左柱國太傅中書右丞相魏國公叅軍國事食祿五千石使爾子孫世世承襲朕本疎愚皆遵先代哲王之禮典茲與爾誓除謀逆不宥其餘若犯死爾免三死子免二死於職高而不危所以常守貴滿而不溢所以常守富也爾當慎守斯言論及子孫世世為國良臣豈不偉歟

見大明實錄

天師印

洪武二十四年真人張宇奏以前代嘗給正一玄壇傳籙之印今授二品銀印止可施於表箋又移而於符籙不便乞更別授遂與龍虎山正一玄壇之印制用六品者也昨會真人府知印云府摠四印六品者銅鑄二品銀印則英宗朝因使拜表回鑿有驗鑄金易之其文乃正一嗣教大真人府之印自道陵傳下者則玉印一枚其文乃陽平治都功印雲篆也

陽平治乃道陵起處至弘治間

朝廷恐其隨身有失另破一顆賜之至於累朝所賜或金或銀或牙皆圖書也

陳遇

陳邁字中行居金陵元時江東明道書院山長教授溫州
太祖渡江御史素元薦之

上致書徵之與語大悅俾典戎務咨以機密授供奉不受後
又拜學士中書左丞弘文館大學士太常卿禮部尚書皆
辭又賜金銀段疋等物亦不受

高廟三幸其第引入內賜坐宴澡浴病則賜醫沒年七十二
而終

上自三哀悼賜以棺帛當時在廷以為公卿無此寵遇予以
陳乃忠於元者故不受職賚焉第畏死而為

太祖致之此元史所以不收也

開尚書

國朝開尚書濟字來學河南睢州拓城縣和樂村人選充河南府學訓導洪武五年取入京為國子助教尋養病回十四年後六部舉有王佐才

太祖復督乃父蒙同濟至京賜詩一首云春首攜孫出洛陽

輪蹄馥郁野花香嶠函古道行商迆熒澤荒城叔段邦雪

夜蒸城忠李愬風天赤壁助周郎老人閑景心懷稽首遙

瞻拜上蒼濟至除刑部尚書代父麻詩云金陵王氣起淮

陽四海俄開德澤香鶴髮自應歸鳳闕龐眉誰復釣魚邦

夔龍禮樂趨朝士貔虎威儀執戟郎恩雨滿門思報德吾

皇萬壽祝穹蒼一日濟從

太祖遊金水橋

太祖忽然墮淚問濟曰朕爲何如此濟奏云過金橋倚金欄
看金魚憶金妃墜金淚

上執濟手云縮手過金橋有事不相饒濟對曰臣無虧心事
不怕 帝皇刀而 朝廷制度禮樂錢糧賦役多所建立
後為詹徽事死於非命嗚呼惜哉其詩御製集中無矣止
有諭開家葬孫來京勅

制革

明吳元年置翰林院以陶安為學士於是設承旨學士侍
講侍讀學士直學士等官洪武九年定品級十八年革承
旨直學士待制應奉之名未登極之前乙巳歲立國子學
以許存仁為博士四年陞學為四品始設祭酒即拜存仁

為之存仁名元金華諡之子也洪武九年以諸行中書省
之設本於權宜之制中外猶失尊朝廷詔丞相等更名
遂置承宣布政司是年俾內外職九年為滿三年錄行事
之實考績於京

國初各處社稷等壇原定行禮以守禦武臣為初獻文臣為
亞獻十四年命以文臣通行國初期年之服俱要守制
後吏部奏言祖父母伯叔兄弟俱有期年若欲守制或一
人連遭數喪道路隔遠則居官日少矣除父母承重外俱
革之國初宗人府初名宗正院以親王一人掌其譜系

故譚王得後
如靖難師後

成祖革去以勳戚領之今或一經歷國初諸王皆有護衛

地方有變即統兵以禦

如湘王建文元年之挫
遂賊相澤五開諸妻

又得開閣

延賢亦

成祖革之

國初一歲

朝覲至二十九年方定以三年為

期

聖君天祐

至正十二年三月

太祖方入濠依郭子興起兵七月徐壽輝自嚴耒破杭州時
董博霄從江浙平章征安豐之勢欲攻濠適開抗陷而
急回九月丞相脫脫督諸路兵以討徐州之賊徐復而賊
奔於濠方命賈魯追攻而賈病死朝復趣脫脫還京夫安
豐徐濠皆險地也博霄智將脫脫國帥濠中烏合之衆勢

力極小移兵攻之其太山之蹙郊矣至於十五年閏月郭
孫德惟舊素仇一旦相攻於和陽

太祖郭將也送友出和而為孫象所適中鎗墜馬忽得友人
橫馬而呼乘繼而又為孫弟鎖頸加害則張姓者復懇存
以待其報焉夫中鎗墜馬鎖頸加害死須臾矣一旦而復
走之嗚呼始從雉也朝不加兵及其危也人為解之是豈
人謀之所致扶天之所以君我

皇明故使元之將相周章阻悞相識倏過自尔扶植智者於
斯可以知一統之兆矣

潘原明

潘原明泰州人初與張士誠俱起盩厔元兵圍高郵士誠

原明等十八人突圍出後為偽吳平章守吾抗至正丙午
太祖命李文忠攻抗原明遣員外方彛送款狀求曰嬰城固
守乃受任之當為歸款救民亦濟時之急務某自念起身
草野叨任省樞非心慕于燕華實志存于匡定豈意邦國
殄滅王師見加事雖貴于見撥民實同于歸義念是邦生
靈百餘萬比年物故二三人既入於職方當簿草於天澤
謹將土地人民及諸司軍馬錢糧之數以獻凡得兵二十
萬馬六百匹仍受浙省平章至洪武三年止命食其祿不
署事子孫世襲指揮同知十四年天兵平雲南以原明署
布政使司事後卒樞還賜葬于鍾山之陰此亦史所未載
事嘗聞於先達文今見於實錄特記於右

他書原明作名明

即位事文

洪武元年春正月乙亥

太祖祀天地於南郊即皇帝位定有天下之號曰大明建元
洪武告祭昊天上帝皇祇祝曰惟我中國人民之君自宋
運告終帝命真人於沙漠入中國為天下主其君臣父子
及孫百有餘年今運亦終其天下土地人民豪傑紛爭惟
臣帝賜英賢為臣之輔遂戡定采右水寨蠻子海牙方山
陸寨陳也先袁州歐普祥江州陳友諒澤州王信新淦鄧
克明龍泉彭時中荊州姜珏濠州孫德崖廬州左君弼安
豐劄福通潁州熊天瑞福建陳友定平江王世明洗州李
勝蘇州張士誠慶元方國珍沂州王宣益州老保等偃兵

息民各歸田里今地幅圓二萬餘里諸臣下皆曰生民無
主必欲推尊帝號臣不敢辭是用以今年正月四日於鍾
山之陽設壇備儀昭告

上帝皇祇定有天下之號曰大明建元洪武簡在帝心尚享
先是日壬戌以來連日雨雪陰沍至正月朔日霽粵三日
省牲雲陰悉歛日光皎潔旣行禮天宇廓清星緯昭朗衆
皆欣悅禮成遂即位于郊壇南備儀法衆從丞相率百官
北面行禮呼萬歲者三禮畢

太祖率世子暨諸子奉神主詣四廟追尊四代

祖考妣爲 皇帝后奉上玉寶玉冊冊曰孝玄孫嗣

皇帝朱某稽首頌首上言尊敬先世人之至情祖父有天下

傳之於子孫子孫今有天下者追尊其祖考以古今通義也某遇天下兵起躬環甲冑調度師旅戡定四方以安人民土地日廣皆

祖宗深仁厚德所致也諸臣庶推尊為

皇帝先世

考妣未有稱號謹上

皇高祖考尊號曰

玄皇帝廟號

德祖

皇高祖妣曰

玄皇后

皇曾祖考尊號曰

恒皇帝廟號

懿祖

皇曾祖妣曰

恒皇后

皇祖考尊號曰

裕皇帝廟號

熙祖

皇祖妣王氏曰

裕皇后

皇考尊號曰

淳皇帝廟號

仁祖

皇妣陳氏曰

淳皇后伏惟神明在上鑒歿孝思

太祖受朝賀畢左相國宣國公李善長奉冊寶立

妃馬氏爲

皇后立世子

標爲

皇太子

皇后冊曰天眷我家啓運興王出自衡門奄有四海爲君爲

后可不慎歟

君以仁政慎於在位撫黎庶而統萬邦

后以懿德慎於治內表六宮而母天下長久之道也咨爾

馬氏同勤勞於開創之時爲家成國內助良多今以金冊寶

文立爾爲

皇后其敬乃職耿光後世於戲慎戒之

皇太子冊曰國家建儲禮從長嫡天下之本在焉

朕起自田野與群椎角逐戡定禍亂就功於多難之間今基
恭巳成命爾

標為皇太子於戲爾生王宮為首嗣天意所屬茲正位東宮
其敬天惟謹且撫軍監國爾之職也六師兆民立以仁信
恩威懷服其心用末固於邦家尚戒慎之以李善長徐達
為左右丞相諸功臣進爵遷秩有差

世宗本紀